

J A C O B I
Cardinalis Papiensis
EPISTOLA

A D

FRANCISCUM

PICCOLOMINEUM

Cardinalem Senensem

Quà Cardinales admonet, ut dignum
Pontificem Ecclesiæ Catholicæ
præficient.



54-4-L-5

100

100

100

A

100

100

100

100

100



*Ex Vitis S. R. E. Cardinalium
per Ludovicum Donium
de Attichy Episcopum
Æduen. Tom. II.*



ACOBUS Amanatus Cardinalis Papiensis dictus, Lucà Hetruriæ Civitate ortus Romam se contulit sedente Nicolao V. Pontifice Maximo, deditque se primùm in Familiam Joannis S. Angeli, & Dominici Capranicæ Firmani nuncupati S. Romanæ Ecclesiæ Cardi-

nalium, huicque à secretis fuit. Hoc Patrono Callisto Papæ III. innotuit, à quo Secretarii munere honestatus, Diplomatum quoque Apostolicorum, probatà ejus industrià, fide, ac styli nitore, & elegantia, Scriptor effectus est. Quo in officio, ac dignitate illum Pius II., qui Callisto successit, nec postulantem, nec opinantem confirmavit, & secundo sui Pontificatus anno Ecclesiæ Papiensi præfecit, atque anno 1461. Cardinalem creavit Tituli S. Chrysogoni. Ita illum dilexit Pius, tam propter ejus ingenium, & bonarum literarum peritiam, ac dexteritatem ad quæque obeunda, quam propter manuum puritatem, quas toto vitæ suæ tempore in maximà corruptelarum opportunitate servavit immaculatas, ut in Piccolo-

lomineam infereret, & adoptaret Familiam; ejusque cognomine, ac insignibus donaret. Pio sedente in Piceni Provinciam se contulit ad exigendas pecunias pro bello sacro necessarias. A Xysto IV. Papà Legatus in Umbriam, & Perusium, & adjacentes Provincias mittitur, quas prudentissimè, & integerrimè administravit. Lucensem Ecclesiam ei Xystus regendam commisit, quo tempore Tusculani Episcopatus Titulum obtinuit. Anno 1479. cum ad Lacum VVlfinum æstus vitandi gratiã se contulisset, ad Cryptas Oppidi S. Laurentii III. Idus Septembris obiit. Corpus inde Xysti Pontificis decreto, ac Patrum in Urbem relatum, apud S. Augustinum conditum fuit. Quis, qualisque fuerit Jacobus Cardinalis Papiensis erga Ecclesiam, & pro Ecclesiã ejusdem scripta testantur, ac præsertim Epistolæ à Jacobo Volaterrano collectæ, inter quas, quæ hic subjicitur in Editione Francosurtenfi anni 1614. num. CLXXX.



(v)



Francisco Cardinali Senensi.



ULTA sæpe in hac nostrà dignitate peccamus, amplissime Pater: sed nulla meo iudicio gravius, quam cum indignum Principem plebi catholicæ damus. In nos etenim ipsos, & in omnem Ecclesiam impietatis opus, & perfidiæ exercemus, affiendi divinis suppliciis, dignique gradu destitui, quem ad salutem acceptum, ad detrimenta convertimus. Pone ante oculos totius facti nostri speciem; & unà recollectione cuncta rememora. Videbis eò flagitii culpam ascendere; ut meritò nostrimet nobis sit pœnitendum. Exit à Conclavi in omnem partem jam facta electio. Annuntiatur Fidelibus Pastor habendus. Fit illico à Regibus, à Principibus, à Plebibus Dei tanti operis iudicium. Non latent eos merita nostra. Sciunt quid quisque virtute, vel vitiis valeat. Sed si ex iis est Præsul assumptus, quem non probet publica vox, in rebus huiusmodi rationi (ut plurimum) congruens, maledicatur illicò nobis, ingratum inacceptumque est ministerium nostrum, & vel non fuisse ad publicam salutem iudicium, vel ad bene eligendum defuisse voluntatem, vel ex omni nostro numero non inventum meliorem existimant. Quibus hominum opinionibus quid nostræ æstimationi infestius? Etenim si tardi mente, cæcique ad discernendum putamur, illa statim indignatio subit, esse nos in Ecclesià Christianà inutiles, non dignos, qui præsideamus in speculà, non idoneos qui ministremus aliis, quod ipsi nos ignoramus. Contemptui esse incipimus, ac sub nostris ornamentis ridendi. Quid enim in Ecclesià faciat, aut quid meliori honorem præripiat, qui discernere inter lepram, & lepram non potest? Qui non videt, quid fructuosum infructuosumve sit? Aut duobus propositis speciem boni habentibus, quid horum sit

optabilius ? Rectè illud Scripturæ nobis accommodant : *Quomodo nix æstate , & pluvia in messe : sic indecens est stulto gloria* . Quod si malæ voluntatis, id quod frequenter solet accidere, fuisse crimen existiment, nec passos nos aliter fieri quam factum est : illa quoque lamentatio surgit, prodiram nostris fallaciis Sedem, pessundata iniquitate Christianorum omnium commoda . Exitiale autem malum huic, vel illi affectui deputant . Sunt qui ambitioni, quod assumi nos cupientes invideremus bonis, sunt qui odio, quod eum quæserimus potissimum, qui malo inimicos nostros afficeret. Sunt etiam qui avaritiæ, quod vendiderimus mercede pactâ suffragia nostrâ, & sapientes quæ carnis, non quæ spiritus sunt, inclinaverimus in eum, non qui omnibus, sed qui nobis, non qui Ecclesiis, sed Domibus nostris benignus esse, atque utilis possit . Quæ turpitudinis notâ nihil, & nomini nostro infamius, & proximo excogitari nocentius potest . Etenim quodlibet horum homines credant, illud certè persuasum animis habent sine chatitate nos esse, non amare Ecclesiam, salutem publicam summâ improbitate projicere, Fidem, ac Religionem, addictam precio habere, venalesque animas possidere . Videntes quoque nos populi duces, unde specimen boni reliquis esse oporteret, sic inquinari sordibus, facillè in hac carnis fragilitate facti nostri sunt imitatores . Quodque licere nobis vident, Deum tractantibus : sibi quoque in sæculari vitâ prohiberi non volunt . Ita miserandum in modum cum illorum salute nostrâ quoque ruit auctoritas . Age vero si non imprudentiæ, non prævi consilii, sed necessitatis fuisse indignam electionem existiment, quod non sit melior inter fratres inventus, quod hoc dedecus est ejus Collegii, quod sacrosanctum in ecclesia dicimus, Regibus antefendum putamus ? An non contemnimur omnes ? & indigni habemur ornamentis, quæ contulit dignitas ? Certè ut antequam honore, sic virtute putant nos oportere excellere . Id verò cum negligentia nostrâ non accidit, illud continuò accidit, ut sine fructu sit omnis auctoritas .

Attende porro quam confertum malorum agmen Ducem sequatur inutilem . Non est Põntifici reverentia sua, non honor, qui tantæ potestati debetur . Mandatis quoque obedientia rara impenditur : omnia neglectui sunt propter Principem negligendum . Vexantur Ecclesiæ, impugnantur Episcopi . Sine æstimatione Clerici sunt . Surgunt contra Sedem damnosa consilia . Recusant parere ei, quæ imperandi nescium putant . Quin, & ad ipsos Ecclesiasticos, non Sæculares tantum, ea detrimenta perveniunt . Sunt Antistites per orbem multi ecclesiis magnis præpositi . Dominatus amplissimos possident, à summis Principibus

pibus genus nobilissimum ducunt. Sacerdotio pariter, & sanguine de se angusta non sapiunt; si quoque subesse Principi Ecclesiae dedignantur, quem principatu dignum non vident. Nostras Sacerdotiorum collationes reiiciunt. Valere suas in suis Diocesibus volunt: cognoscentes causas, in quibus nulla eis est jurisdictio. Comminationes autem nostras tanquam inanes ventorum status pro nihilo habent. Ita fit, ut officiorum omnium in Ecclesia sit perturbatio. Id autem etsi perversè agant illi, Apostolici præcepti immemores, quo iubentur subditi esse dominis suis non tantum bonis, sed etiam discolis: nos tamen peccati huius maximam occasionem improbitate nostrâ porrigimus. Etsi enim Pontificatus per se clarus, & magnus sit: non dubiè tamen obtinentis conditio in utramque partem ad reverendum, & contemnendum plurimum præstat. Non tam enim Ministerium ipsum humana fragilitas, quam Ministrantem solet attendere. Adde quod in parabolâ à Domino Salvatore est dictum: Non posse arborem malam bonos fructus producere: nec de malo thesauro cordis bona proferri.

Quis etenim dubitat, (à summo ad imum singula percurramus) ex malo Pontifice assumi Cardinales non bonos? ex Cardinalibus non bonis, non bona administrari consilia? Ex his vero opera omnia detrimientosa succedere? Dantur plebibus pastores inutilis. Hi rursus malos sacerdotes parochiis tribuunt. Eadem ratio de Religionibus est, quæ rectores suos à nobis accipiunt. Ita unius pastoris, ac principis morbo in omnem Ecclesiam manat contagium:

Sicut grex totus in agris

Unius scabie cadit, & porrigne porci;

Uoque conspecta livorem ducit ab urâ. Juvenal. Sat. II.

Nam quid ea commemorem, quæ in tantâ perturbatione necesse est evenire? De tollendis hæresibus curam non suscipi in oculis nostris sæpe nascentibus? de propagandâ fide nil cogitari? Tantum quod ante pedes est, ac vix illud ipsum attendi? Sunt in nonnullis externis regionibus adhuc Sancti Evangelii semina non suffocata. Adolescere illa non esset difficile, si cohererentur laboribus nostris. Neque enim minor speranda esset in restituendâ fide Omnipotentis Dei benignitas, quam ab initio in instituendâ fuerit gratia. Sed cum is præest, quem dico, mercenarius magis quam pastor; non ponit manum ad fortia, non certos mittit qui descendant, & videant, non etiam reputat, quid in his spiritus possit. Vel avaritiâ, vel hebetudine mentis, vel etiam carnalium studio à culturâ Dominici agri avertitur. Quod autem dolendum est magis, hic inter nos, ubi stabilita est

est fides , frequensque habetur Christi confessio , incendia discordiarum sinuntur augmenta suscipere ; nunc hos , nunc illos exitialibus flammis apprehendere . De extinguendis cum rarus est sermo , tum vero operatio rarior . Satis ad quietem animi habetur , si illa longius posita intercapedine suâ tutos nos præstant : non videntes miseri , quicquid ubicumque perit , animabus nostris perire : omnium autem unam esse querelam , otiosis Sacerdotibus filios Dei calamitosè configere . Nam de subditis Romanæ Sedis nil dico , quos alterutro indigni Principis malo pati est necessarium , vel improbitate , vel negligentia . Quorum altero diripiendi aliis , & vexandi traduntur , altero diripit ipse , ac vexat , utrobique id paraus , ut facile perturbatis temporibus Fidem illi nostram relinquentes , ad oppugnatores nostros irati sæpe concedant .

Tantum vero incommodorum nos ipsi propter indigna ad Pontificatum suffragia causam præstamus , comparticipes omnium , atque correi subituri simul tremendum veri Dei iudicium , atque simul luituri errati tanti miserabiles penas , quas etiam vivi adhuc volente Deo sæpe expendimus . Hinc enim frequenter nostrorum sacerdotiorum direptiones , hinc denique illud accidit , ut pro semente messem colligentes , ab eodem illo , quem malè eligimus , accipiamur deterius ; & cui imperare credidimus , quotidianis angoribus serviamus . Aut enim in odia incidimus , aut honestis exiliis ablegamur , aut vero etiam extremi omnium beneficio , & gratia sumus : quarum rerum exempla , & vidimus multa sæculis nostris , & plura Patrum memoriâ legimus , Propheticum illud taciti murmurantes . *Sicut fecimus , factum est nobis . Retributionem nostram convertit in capita nostra* . Ex his ergo planè videntes , quanta in nos ipsos , quanta in proximos nostros , quanta in universam Ecclesiam peccamus cum in eligendo non spiritui servimus , sed carni .

Si quando hæc venient tempora , singulari diligentia caveamus ne tam dira iniquitas requiratur de manibus nostris . Ne serviamus ulli cupiditati , ne hujus , vel illius gratiæ concedamus indigna : ne fallamur etiam dolis , qui tendi eo casu pluri soli solent : ne denique frangamur metu , sicundè is nobis incutitur , præferenda omnibus rebus est conscientia nostra , & pluris habendus Deus , quam homo : pluris animæ salus , quam fallax ambientium gratia . In eo quoque conatus omnes , sensusque vertendi , ut Conclavi jam absoluto , testari Deo hominibusque possimus , fecisse nos , quod optimum duximus , nec penitendum aliquid admisisse . Hoc mentis testimonium , pro magno semper Pontificatu sit nobis . Nulla porro ambitionis nostræ inanis

nis suasio transverfos nōs agat, faciatque, ut vel imprudenter in verita conſumamur, vel turbemur in aliis, quod aſſequi ipſi non poſſumus. Patres eos proponamus animis noſtris, elevandosque ſumamus, qui laudabile teſtimonium ubique poſſideant, quorum vita tanto ſit aliis clarior, quanto aliis Dignitatibus eſt ipſe Pontificatus illuſtrior: quibus cum ſummā bonitate ſummā doctrina, ſummumque ingenium ſit, quos etiam proveſta ætas, & continuata rerum experimenta in miniſterio Sacerdotali probaverint, à quibus denique expectari merito poſſit non ſæculi faſtus, ſed Chriſtiana humilitas, non purpuratorum mollities, ſed veterani militis durata laboribus patientia, non congregandi, ſed diſpenſandi deſiderium, non otium, ſed negotium, non imperium, ſed benedictio, non contentio, ſed pax, non faſtidium, ſed charitas, non ſomnus, ſed vigilia, non tepiditas ad opera Dei, ſed fervor, non tractatio rerum inanum, ſed pondus ſemper habentium, non poſtremo domus Dei neglectus, ſed perpetuus zelus. Quos ſi in noſtro ordine perfectos omni ex parte non eſt invenire, in alienis eos ipſos quæramus: ſi nec in his quoque, præſtitā jam Deo diligentia noſtrā, ſumamus in hac mortalium imbecillitate, quem minùs abſcedere à perfecto videmus.

Hoc vero noſtrum examen adjuvare plurimum illa diligentia poterit, ſi cujuſque, in quem inclinemus, privatam vitam, & domeſticam diſciplinam ſpectemus, ut bene ſuis convivat, ut pacem quietemque habeat, ut miniſterium familiare, ſuum ordinem ſervet, ut veſtiat, ut converſetur: ut religionem, tota inſtitutio ſapiat. Quæ porro convivia, qui ſumptus, quæ ornamenta domeſtica, qui divinus cultus, quod denique cubi- culi ſui ſit teſtimonium. Specimen quoddam publicæ adminiſtrationis eſt norma domeſtica. Qui domui ſuæ præſeſſe non ſcit (inquit Apoſtolus) quomodo Dei curam, & eius Eccleſiæ habebit? Si in aſſumptis nobis vitia oſtenduntur, non illa facit aſſumptio, ſed detegit. Quem eſſe domi animo ſemper cupido, ſemper irreligioſo agnoſcis, non ſperes alio tunc in principatu aſſectu futurum. Cuius etiam privatarum rerum incuriam, diſſolutionemque, & conſula vides officia, huius jam Principis facti adminiſtrationem non expectes diſſimilem. Contra qui bene inſtituta domus, qui vitæ privatæ laudem eſt aſſecutus, ſpem quoque is bene adminiſtrandi Sacerdotii præbet. Ut vitia, ſic virtutes quæcumque aſcendimus, nobiſcum aſcendunt. Et quoniam iudicia noſtra nonnunquam falluntur, nec introſpicere penitus ſecreta hominum poſſunt, quorum quidem ſolus eſt Deus interpres, amiſcenda ſunt conatibus noſtris divina adiumenta, humilianda eſt anima: amplior in hoc articulo ſuſcipienda religio.

Placandus pœnitentiâ Deus, rogandusque sacrificio assiduo, ut non secundum merita nostra, nec secundum peccatoris populi iniquitatē, sed secundum suam misericordiam, Pastorem, & Principem det Sanctæ Ecclesiæ eum videlicet, qui immutatâ Zachariæ Prophetæ sententiâ, in terrâ visitet derelicta, conquirat dispersa, sanet contrita, & quod constat enutriet: quique nec carnes pinguium comedit, nec ungulas eorum dissolvat, sed, quod Apostolus admonet; seipsum præbeat exemplum bonorum operum in doctrinâ, integritate, gravitate; verbo sanè irreprehensibilem; ut is, qui ex adverso est, vereatur, nil habens, malum de nobis dicere: qui demum toto ministerio suo ejusmodi sit, de quo populus Dei exultet. Nos gloriabundi in conspectu hominum incedamus: nec ad malorum operum suorum querelas confundi animis, oculosque in terram ex conscientia deiicere habeamus.

